



ČINJENIČNO STANJE
Preduzeće “Umorni”, kandidat za reorganizaciju
Za Seminar za stečajne sudije u Neumu

Svi podaci su dati sa datumom ulaganja prijedloga za otvaranje stečaja.

Preduzeće “Umorni” je u državnom vlasništvu. Nekoliko njegovih povjerilaca su uložili prijedlog za otvaranje stečaja i predmet je otvoren. Uprava dužnika razmišlja o ulaganju plana reorganizacije. Oni pregovaraju sa nekoliko povjerilaca i jednim mogućim investitorom.

Preduzeće “Umorni” je proizvodilo metalne dijelove na dvije lokacije u Sarajevu i Banjaluci, BiH. Vlasnik je nepokretnosti i fabrike na obje lokacije; sjedište je u Sarajevu. Također je vlasnik parcele neizgrađenog zemljišta pored sjedišta. Od proglašenja nezavisnosti BiH preduzeće je izgubilo 90 posto poslova u bivšoj Jugoslaviji. Ima priliku za razvoj novih poslovnih odnosa u nekoliko novih zemalja članica EU i tamo ima nekoliko potencijalnih mušterija. Zbog toga što niže plaće u BiH mogu dopustiti preduzeću “Umorni” da ponudi konkurentne cijene, ove nove mušterije mogu zaključiti dugoročnije ugovore za snadbijevanje. Međutim, oni žele garanciju da povjerioci preduzeća “Umorni” neće moći zatvoriti preduzeće.

Menadžeri preduzeća “Umorni” su pripremili preliminarni poslovni plan. Plan uključuje napuštanje određenih proizvodnih linija i koncentrisanje na druge postojeće proizvodne linije za ova nova tržišta. Dio mašinerije preduzeća je specijalizirano za linije koje bi trebali napustiti. Oni misle da preduzeće “Umorni” može odgovoriti na proširenu proizvodnju sa ostatkom postojeće opreme, koju godinama nisu koristili u punom kapacitetu zbog manjka mušterija i obrtnih sredstava. Veliki dio ove mašinerije zastarijeva, ali će nastaviti funkcionisati uz tekuće održavanje.

Preduzeće “Umorni” je poslovalo dvije godine uz gubitke od 1,5 miliona KM. Ovo je vodilo tome da nisu bili u stanju isplaćivati plaće svojim zaposlenima i pripadajuće obaveze u godini koje je prethodila prijedlogu za stečaj. (Postoji ukupno 170 zaposlenih, 100 u većoj fabrici u Banjaluci i 70 u fabrici i sjedištu u Sarajevu.) Također su pali u docnju po obavezama dobavljačima i poreskim obavezama. Redovno su otplaćivali jedan od osiguranih bankovnih kredita. U docnji su po tri druga bankovna kredita. Zaposleni su dobili presudu za njihove zaostale plaće, ali nisu započeli izvršni postupak niti pribavili osiguranje za njihovu presudu. Socijalni fondovi imaju potraživanja za nedospjela dugovanja u vezi sa ovim neisplaćenim dohotcima.

45 dana prije datuma ulaganja prijedloga za stečaj, država je izvršila obračun neplaćenih poreza. Nije uspostavila založno pravo do datuma ulaganja. Na ročištu za ispitivanje potraživanja u stečajnom postupku, upravitelj je uložio prigovor protiv ulaganja

osiguranog potraživanja od strane države, pozivajući se na pravo izbjegavanja tereta. Sudija je poresku upravu uputio na parnicu u građanskom sudu ako žele da zadrže založno pravo, ali poreska uprava nije poduzela ovaj korak.

Preduzeće “Srećko”, glavni dobavljač preduzeća “Umorni”, cijeni preduzeće “Umorni” kao mušteriju i želi da ostane u poslu. Nije im plaćeno za posljednjih šest isporuka preduzeću “Umorni”. Međutim, uviđajući ogroman potencijal planova preduzeća “Umorni” za proširenje na nova tržišta preduzeće “Srećko” je spremno na značajne ustupke u svojim potraživanjima da bi imali koristi od buduće prodaje sirovina preduzeću “Umorni”.

Preduzeće “Gundalo” je glavna mušterija preduzeća “Umorni”. Prije prijedloga za stečaj preduzeće “Gundalo” je tvrdilo da su izgubili profitabilan ugovor sa jednim od svojih većih mušterija zbog nemogućnosti preduzeća “Umorni” da isporuče po narudžbi. Dobili su presudu protiv preduzeća “Umorni” po ovom potraživanju u iznosu od 300.000 KM. Preduzeće “Gundalo” je uložilo dokaz u prilog ovom potraživanju i niko nije prigovorio tome. Pošto je preduzeće “Umorni” bilo njihov glavni dobavljač i skoro uvijek je bilo u stanju brzo isporučiti proizvod po povoljnoj cijeni, izvršni direktor preduzeća “Gundalo” misli da može ubijediti svoj upravni odbor da učini značajne ustupke u svojim potraživanjima. Siguran je da će odbor preduzeća “Gundalo” tražiti garanciju da će preduzeće “Umorni” preživjeti stečaj i nastaviti isporučivati svoje proizvode.

Deset manjih potraživanja na osnovu neosiguranih kredita dobavljača, ukupno 500.000 KM, je prijavljeno protiv preduzeća “Umorni”. Ovo uključuje potraživanja za neplaćene komunalne usluge tvornicama. Nijedna strana nije prigovorila ovim potraživanjima.

G. Spasko Spasić iz Zenice, BiH, je vodio sličan posao za konkurenciju preduzeća “Umorni”, ali je izgubio posao kada je njegov poslodavac pao pod stečajnu likvidaciju. On se želi vratiti u ovaj posao. On misli da preduzeće “Umorni” ima značajan potencijal za proširenje. Nabavio je 450.000 KM od svojih rođaka u Njemačkoj da bi mogao ući u takav posao u BiH.

STRUKTURA DUŽNIKOVE AKTIVE

VRIJEDNOSTI SU U KM, na osnovu:	Operativne vrijednosti	Likvidacije
Nepokretnosti, tri različite parcele:		
#1 Fabrika #1 (Banja Luka)	1.000.000	300.000
#2 Fabrika #2 i uredi (Sarajevo)	700.000	200.000
#3 Zemljište, pored #2	300.000	150.000
Mašinerija i oprema, na #1 i #2 (ukupno)	400.000	135.000
Mašinerija za liniju koja se napušta	150.000	50.000
Mašinerija za proizvodnju koja se nastavlja	250.000	85.000
Potraživanja, sve od mušterija u stečaju		[zanemarljiva vrijednost]

STRUKTURA DUŽNIKOVIH OBAVEZA

IZNOSI U KM:

Obaveze prema različnim povjeriocima:

Banka A - Založno pravo prvog reda na nepokretnosti, parcela #1	700.000
Banka B – Založno pravo drugog reda na nepokretnosti, parcela #1	600.000
Banka C – Založno pravo na nepokretnosti, parcela #2	150.000
Banka D – založno pravo na mašineriji i opremi	225.000

Neosigurana potraživanja:

Zaposleni: presuda za neisplaćene dohotke	600.000
Zaposleni: potraživanja socijalnih fondova	200.000
Dobavljač preduzeće “Srećko”	300.000
Nezadovoljna mušterija preduzeće “Gundalo”	300.000
Obračunati porezi	70.000
Deset manjih kredita dobavljača	500.000